

Y  
✓  
  
12258  
t

**КОМИ-ПЕРМЯЦКОЙ  
КЫВЛОН  
ОРФОГРАФИЧЕСКОЙ  
ПРАВИЛОЭЗ**

+

+

КОМИПЕРМГИЗ  
КУДЫМКАР 1938

\_\_\_\_\_

КОМИ-ПЕРМЯЦКОЙ  
КЫВЛОН  
ОРФОГРАФИЧЕСКОЙ  
ПРАВИЛОЭЗ

Утвeрдитc  
РСФСР Наркомпрос

КОМИПЕРМГИЗ  
КУДЫМКАР 1938

**ПРИКАЗ**  
**РСФСР-ЫН ПРОСВЕЩЕННЕ НАРОДНОЙ**  
**КОМИССАРЛЫН**

**Август 7 лунъ 1938 г. № 1116.**

РСФСР Наркомпросо представитом русской основа вылын коми-пермяцкой алфавит проект да основной орфографической правилоз нія веськётёммезён, кёднё пыртіс СССР-ЫН Наукаэз Академияись кыв да письменность кузя институт—**утвердитны.**

**РСФСР-ЫН Просвещенне Нарком—Тюркин.**

## I. БУКВАЭЗ ДА НІЙБ ГИЖӨМ.

1. Коми-пермяцкёй алфавитын букваэз то кытшомёсь:

**Аа, Бб, Вв, Гг, Дд, Ее, Жж, Зз, Ии, Йй,  
Кк, Лл, Мм, Нн, Оо, Пп, Рр, Сс, Тт, Уу,  
Цц, Чч, Шш, Щщ, Ъъ, ыы, ьъ, Ээ, Фф, Хх,  
Юю, Яя, Её, Іі, юю** (35).

2. Шыэз съёрті коми-пермяцкёй кыв торйётсьө то кыдз:

1) Тыргортём шыэз:

а) парнöй тыргортёммез (кёдна мукёдпырся вермёны шуссыны небыта): **д, з, л, н, с, т;**

б) чорыт непарнöй тыргортёммез: **б, в, г, ж, к, м, п, р, ф, х, ц, дж, тш;**

в) небыт непарнöйеэз: **ч, дз, щ.**

2) Тыргора шыэз: **а, и, і, о, у, ы, э, ё.**

3) Джынгора шы: **й.**

3. Букваэз **ё, я, ю**, гижсьёны:

1) Слог пондётчёмын, медбы мыччавны не иотируктём тыргора шыэз (йо, яа, ўу), шуам: ён, сырьё, юр, юмёс, яй, быгъясыны, миян, сёян и сідз одзл.

2) Небыт парнöй тыргортём букваэз бёрын (д, з, л, н, с, т), медбы мыччавны нылісь небытсö, шуам: сёйны, лён, кузя, тёвся, сюр, нюр, дядь, нянь и сідз одзл.

**Примечание 1:** ч, щ, букваз бёрын да дэ, дээ сочетаниёэз бёрын гижеьбыны а, о, у (а не я, ё, ю) шуам: чаг, чужём, чожа, Щорс, площадь, лэдза, дэодзог, одзаз, дзаз, дзольгё и с. одз.

**Примечание 2:** Но заимствованной кыввэсö гижены сэда: Чёрнöй море, щётка, брошюра, парашют.

**Примечание 3:** ё вылын непременно сувтöт-сöбьны точкаэз.

#### **4. Буква э гижеьбы:**

1) Слог пондётчомын, медбы мыччавны иоти-рутём тыргора шы (йэ), шуам: ем (иголка), етша, ешта, Егор, Ермаков, объект, единой, единица и с. одз.

2) Быдёс тыргортём шыэз бёрын (оз гижеьбы токо чорыт парнёйез бёрын, — д, з, л, н, с, т бёрын), шуам: недель, сетны, чер, шеп, пель, керны, велётны, торрез, петны, бедь и с. одз.

#### **5. Буква э гижеьбы:**

1) Слог пондётчомын, медбы мыччавны не-иотирутём э шысö, шуам: эз, эта, керкуэз, эттшём, этадз, эстён, эг, эм (есть), эн, эшё и с. одз.

2) Чорыт парнёй тыргортёммез бёрын (д, з, л, н, с, т) шуам: лэдзын, сэт, тэ, зэр, лэбны, тэнит, зэлыт, ёрттэз, кёззэз, воннэз, журналлэз, мёссэз, каддэз, годдэз.

#### **6. Буква і гижеьбы:**

1) Медбы мыччавны и шы чорыт парнёй тыргортёммез бёрын, шуам: зéль, нíя, сылсé, тёдис, локтис, сим и с. одз.

#### **7. Буква и гижеьбы:**

1) Слог пондётчомын, медбы мыччавны неиотирутём и шы, шуам: изны, идзас, иган, юис, пүин и с. одз.

2) Быдёс тыргортёммез бёрын (оз гијсы токо чорыт парнёйеэз бёрын — д, з, л, н, с, т бёрын) шуам: ним, отир, син, сдельщина, пинь, видэ, гијхны, кин и с. одз.

### 8. Буква й гијсьё:

1) Слог пондётчомын **и**, **ө**, **ы** одзын, медбы мыччавны иотирийтёмсё, шуам: йиджны, йёв, дорйё, йылісь, бёрыны и с. одз.

2) Слог конецын тыргора шыэз бёрын, медбы мыччавны дженыт **й**, шуам: вай, сёй, туй, кыйны, лыйны, война и с. одз.

9. Буква **ө** гијсьё, медбы мыччавны шёрёт рядісъ шёрёт подъёма тыргора шы, висъталам: гёгбр, уджалёны, тёдны, оні, вёр, мёс, велётö, муню, локтö, ём (рот), котортö.

### 10. Буква **ы** гијсьё:

1) Кыв конецын, медбы небзьётны сы одзся парнёй тыргортёмсё, шуам: кузь, челядь, нять, нёль.

2) кыв шёрын чорыт тыргортём одзын, медбы небзьётны сы одзся парнёй тыргортёмсё, шуам: пасъта, инъка, асыным, культура, узыны и с. одз.

3) **ө**, **ы** букваээз одзын, медбы небзьётны сы одзся парнёй тыргортёмсё, шуам: съёд, пыыв, кольём, лёсъётны, пуксыны, шырсыны и с. одз.

### 11. Янсётан знаккез:

1) Буква **ы** гијсьё, кыдз янсётан знак, чорыт парнёй тыргортёммез бёрын **я**, **ө**, **ә**, **ю** букваээз одзын, шуам: гозъя, позъя, изъя, гидъяс, адъютант, асъя, лёсъя, съезд, съёмка, банъяв и с. одз.

2) Заемствованной кыввезын **ъ** гијсьё кыдз янсётан знак и мёдік тыргортёммез одзын, шуам: объект, объявленнё, объясненнё, объём и с. одз.

3) Буква **ь** кыдз яисётан знак гијсёй непарной тыргортёммез бёрын, а заимствованной кыввезын сэтчин жё, кытён и роч кылас, шуам: ловья, увья, шогья, кыкъямыс, пыжьян, чышьян, Дарья, семья, мырья, дорья, бёрья, сырё и с. одз.

**12.** Сочетаниё **дж** мычталё небыт шипящой африкат, шуам: ыджыт, йиджны, удж, джодж и с. одз.

**13.** Сочетаниё **дз** мычталё небыт свистящой африкат, шуам: идзас, дзескыт, кыдз, видзы и с. одз.

**14.** Сочетаниё **тш** мычталё гуся шипящой африкат, шуам: нитш, тшибтш, кытшом, кытш, ытшкыны, тшын, тшыг и с. одз.

**15.** Ежели кык африкат суалбны ордён, то гијсёны сочетаниёэз: **джж**, **дзз**, **тшш**, шуам: джыджжез, уджжез, джоджжез, адзза, вёрдззис, видззез, нитшшез, потшшез и с. одз.

**16.** Букваэз **ф**, **х**, **ц**, **щ**, гијсёны токо заимствованной кыввезын, шуам: фронт, телефон, колхоз, совхоз, воздух, революция, станция, центнер, чернильница, улица, конец, огурец, общество, площадь, ямщик, совещаниё и с. одз.

## II. ЗАГЛАВНОЙ БУКВА.

**17. 1)** Текст пондётчомын первой кылыс гијсёй заглавной буквасянь.

**2)** Быд виль сёрникузя пондётчо заглавной буквасянь.

П р и м е ч а н и ё: веськыт сёрни дырии, кёр авторлбн кыввес суалбны конецын либо юасян да горбтан

знаккез бўрын, коло нийо 1ондотны строчной (учёт) буквасянь. „Велётчы бура“,—висъталіс вонё. „Тэ ветлін талун вўрас?“—юаліс Иван.

### **18. Кыкточка бўрын заглавной буква гижъё:**

1) Кёр веськыт сёрниыс пондётчо авторыс кыввезд бўрын. Комсомолеццез юаліс: „Кёр пондётчас собраннёыс?“

2) Кёр босътёны цитата: Ёрт Сталин аслас докладын висъталіс: „Кадрrez рептайтёны быдёс“.

### **19. Ўдъжыт буквасянь гижъёны:**

1) Фамиллёэз, ниммез, айниммез, шуам: Иван Петрович, Клинов Егор; животнёйезлёр сетём ниммез, шуам: Лапко, Шарик и с. одз.

2) Географической названиёэз, шуам: Чёрной море, Кавказской керёссэз, город Москва, ю Волга, деревня Шадрина и с. одз.

**П р и м е ч а н и ё:** Ежели географической названиёыс кык кылісь и кыкнаныс отлаын нія аркмётёны отік названиё, сәк коло гижны кыкнансё заглавной буквасянь: Кривой Рог, Дальнёй Восток, Медвежья Гора, Старая Русса, Северной Америка и с. одз.

### **20. Ежели названиёис не отік кылісь, сәк быдёс кыввесё гижёны заглавной буквасянь то кёр:**

1) Странаэзлісь, союзнёй либо автономной республикаэзлісь названиёэз, шуам: Советской Социалистической Республикаэзлён Союз, Коми Автономной Советской Социалистической Республика.

2) Государственной власть высшой органнэзлісь, а сідз жё высшой партийной органнэзлісь названиёэз, шуам: Верховной Совет, Верховной Советлён Президиум, Народной Комиссаррэзлён Совет, ВКП(б)-лён Центральной Комитет.

**21.** Ежели названнёыс не ётік кылісь, сәк заглавной буквасиянь гиjsьö токо первой кылыс то кёр:

1) Областтезлён, округгезлён, районнэзлён, сельсоветтэзлён названнёэз, шуам: Свердловской области, Кочевской район, Сервинской сельсовет и с. одз.

2) Общественной учрежденнёэзлён, организацияэзлён, школаэзлён, предприятияяэзлён названнёэз, шуам: Юрлинской шёрöt школа, Пермской педагогической институт, Кудымкарской педучилище, Кудымкарской сельхозкомбинат.

3) Газетаэзлён, колхоззэзлён названнёэз, шуам: „Том большевик“ газета, „Горд знамя“ колхоз и с. одз.

4) Улицаэзлён, площаддезлён, переулоккезлён названнёэз: Ленинской улица, Горький нима улица, Революция площадь и с. одз.

**22.** Джендётём кыввезд — учрежденнёэзлён да организацияэзлён названнёэз гиjsьöны заглавной букvasиянь, шуам: Совнарком, Осоавиахим, Наркомпрос и с. одз.

П р и м е ч а н и ё: Первой буквазісі аркмётём кыввезд гиjsны то кыда: СССР, РСФСР, МТФ, МТС и с. одз., но рик, вуз, втуз, сйён што нія быдниммез (нарицательнёйез).

### III. КЫВВЕЗ ВУДЖӨТÖМ.

**23.** 1) Ётік строчкаись мёдік строчкаб кыввезд вуджётікө, коло нійö вуджётны слоггез събрті, шуам: ка-ран-даш, пы-зан, кер-ку, пы-жён, пы-за-ны и с. одз.

2) Ќтік буквa оз кольö и оз вуджётö мёдік строчкaö, шуам: ре-во-лю-ция (а не ре-во-люци-я), аэро-план (а не а-эро-план) и с. одз.

3) Кыввез вуджётöм дырни й оз позь торйётны сы одзся тыргора буквa бердісъ, шуам: вай-ны, сёй-ны, кай-ны, лый-ны. Ежели й одзын суалö тыргортöм буквa, сæk мёдік строчкaö вуджётöм дырни й оз позь торйётны сы бёрся тыргора бердісъ, шуам: дор-йыны, бёр-йыны, гар-йыны, дор-йис, бёр-йис и с. одз.

4) Букваэз ь да ь оз позь торйётныны одзся буквa бердісъ, шуам: подъ-езд (а не под-ъезд), пась-тась-ны (а не пас-тьась-ны) и с. одз.

5) Кык ёткодь буквa, кёдна мыччалöны тыргортöм шыэз, колö вуджётікö торйётны кётькёр, шуам: мас-са, кол-лектив, шын-нялö, пес-сис, вон-ныс и с. одз.

Приимечаниё: Сочетаниёэз дэ, дж, тш, дэз, диж, твш, вуджётікö оз торйётсьб, шуам: видз-сö, джыжд-лö, пытш-кас, джыджжеz, кыдзаз, нитшшез, потшшев.

6) Сложной джендётöм кыввез вуджётікö келö торйётны сізд, медбы строчкаас кольччис знатан частыыс быдсён, а мукёдсö вуджётны мёдік строчкаас, шуам: Окр-испол-ком, Свердпище-трест.

7) Оз позь вуджётны мёдік строчкaö:

а) Суффиксэз, öдэ, öт, ись, кёдна суалöны цифраэз бўрын: 48-öзд, 5-öt, 4-ись и с. одз.

б) Суффиксэз, кёдна суалöны абревиатураэз бўрын: СССР-ись, Окроно-лö, ЦК-ись, МТС-öдэ и с. одз.

## IV. МЕЖДИАЛЕКТАЛЬНОЙ ЧЕРЕДОВАНИЕЭЗ.

**24.** Буква **л**, кёда мыччалё чорыт шы **л**, гижьё то кёр:

1) Тыргораэз одзын кыв шёрын, шуам: вёлыс, уджалё, пукала, ветлі и с. одз.

2) Кыв пондётчёмын то кытшом коми кыввужжезын: лаб, лаж, лань, лёдз, ло, лов, локт, лонт, лёг, лёз, лёнъ, лёс, лёч, луд, лун, лы, лый, лым, лыс, лысьт.

3) Заимствованной кыввезын **л** гижьё сэтчин жё, кытён и роч кыввезын, шуам: солдат, чулки, дело, полоз, журнал, прогул, металл, квартал и с. одз.

4) Кыв конецын, тыргортёммез одзын, й одзын, торйётан небыт знак одзын да уна лыд мыччалан суффикс одзын гижьё **в**, шуам: ныв, кыв, сывны, ловья, кувны, ловйён, ныввез, кыввез вёввез, кёввез и с. одз.

**25.** Кёр гижны **д-г** да **т-к**. Коми-пермяцкой кыввезын первой слогын **е** да **и** одзын некёр оз гижсы **д** да **т**, а гижьё **г** да **к**, шуам: керку, кепись, ки (а не терку, тепись, ти), гез, гид, гижны (а не дез, дид, дижны).

Но заимствованной кыввез гижьёны то кыдз: техника, телеграф, типография, деньга, дисциплина, дело, диво и с. одз.

**26.** Сэтшом кыввезын, кёдна кончайтчёны **т** вылло **с** да **ш** бёрын гижны этё **т-со** быдлын, ежели кывсё мёдкодьсёётём бёрын сія кольчё, шуам: босьт (а не бось)—босьта, мунышт (а не—муныш)—мунышта, честь (а не чесь) — честын и с. одз.

**27.** Көр мукәд сёрнитёммезын чорыт тыргортём шыэз бöрын пыртсыö к, м, т, сæk литературной кылын әнö шыэсö пыртны оз ков, шуам: си-нын (а не синмын), зонён (а не зонмён), опшöс (а не ошкёс), мёсöн (а не мёскён), зепын (а не зептын) и с. одз.

Но колö гижны: кос — коскын, коскö и с. одз.

**28.** Пыр гижьёны и-ён (i-ён) то кытшöм суффиксээз: **ик** (ik), **ись** (isъ), **иньй**, (inъй), **лісь**, шуам: сёйикö, пышшикö, муникö, локтikö, керкүись, пöрись, маминьйöй, пуртiньйöй, вöрлись.

**29.** Суффиксээз **ыник**, **ытик**, кöтькör гижьёны ы-ён, шуам: лажмытик, лапытик, кöсыник и с. одз.

## V. ШЫЭЗ АСКОДЯЛÖМ.

**30.** Ежели кылын одзланься тыргортём шыыс аскодялö ас бöрсис тыргортём шысö, колö адзыны кылыслíс вужсö либо основасö. Ежели адззöм вужыс либо основавыс лоасö быдса значениёäöсь, сæk кылыс гижьё аскодяйтöг, шуам: вётчыны — вёт, вётö, чорытжык — чорыта, шедтыны — шед, шедiс, лэбтiс — лэбö, веж—вежö, вежтыны, вежтiс.

**31.** Ежели суффикс бердiс либо кывыйв бердiс торийтöм кывлöн вужыс ассис значениёсö öштö, сæk кылыс гижьё аскодялöмён, шуам: кольччыны, чеччины, мыччины, пöрччасыны, тальччыны, курччавыны, шоччисыны, адззыны (кольч, чеч, мыч, пöрч, тальч, курч, поч, адз) озö мыччалö некытшöм значениё.

**32.** Быд небыт тыргортём шы аскодялёр ас одзисе йотсё и медбы этё мычавны, гижики сувтётсёны кык буквa ёткодьёссы, шуам: вотъвоття, додь-доддя, киль-килля, поль-полля.

**33.** Роч кыліс заимствоованной кыввезын, кёданын основаыс кончайтчо **и** вылёр, аскодялёмсё мыччалёны кык **и** (ин) гижомён, шуам: собраннё, заседанинё, правленнё, совещаннё и с. одз.

П р и м е ч а н и ё: Нія кыввез, кёдналён основаыс **и** вылёр оз кончайтчи, аскодялёмён оз гижесть, а гижестьёны роч орфография съорті, шуам: Илья, Ильич, эскадрилья, судьч, условие, наречие и с. одз.

**34.** Уналыда эманиммезын быдёс тыргортём-мез, кёдна суалёны суффикс одзын, гижестьёны кыкпёв (кыкпёвесасьёны), шуам: кок—коккез, вёв—вёввез, вон—воннэз, гез—геззэз, шыр—шыррез, гадь—гаддэз, бедь—беддэз, киль—киллез и с. одз.

**35.** Глагол основаын **ш** аскодялёр одзисе йотсё и гижестьё кыкпёв, шуам: пыштыны, вештыны (а не пышыйны, вешыйны), сізд жё эна кыввез съорті гижестьёны коштыны, тойыштыны.

**36.** Мукёр пораё коми кыввезын овлёр кыкпёвса аскодялём: чорыт парной тыргортём шы аскодялёр одзисе йотсё и сы влияниё увтын небзьё ачыс. Эта овлёр кываракмётан глагольной суффикссең дырни, а сізд жё мукёр наречиеэзын. Сәк гижестьёны кык буквa ёткодьёссы да ны бёрын **ъ** либо **я**, шуам: мырддыны, мырддёны (а не мырдйны, мырдйёны), лыддыны, пессыны, вевттыны, коттыны, солассыны, а сізд жё оння (а не онйя), ёддёйн, (а не ёдйён), джыння, тёння, талуння, ашыння.

## VI. ШЫЭЭ ЙЫЛІСЬ МУКОД ПРАВИЛОЗ.

**37.** Кыввуж бёрын, кёда кончайтчö чорыт тыргортём шыён, я-сянь пондётchan суффиксæз одзын мукöд пырся гиjsьё ь, а ѿ, ы, и одзын гиjsьё й, шуам: лов—ловья, ловйён (но лолавны), кор—корья, корыйн, гар—гарья, гарйö, гарйыны, гарий и с. одз.

Этадз гиjsьё то кытшöм кыввужжеза кыввеzын: бон, быг, гаг, гар, гез, гоз, гыж, гыр, дзир, доз, зор, зыр, зуд, ид, из, кор, дор (дорыйны кывсянь) куд, кыв, кёв, кёз, лов, лым, мыльк, мыр, ньёр, нёк, пож, поз, пруд, пуж, пыж, пört, роз, сыр, сюр, сяр, таг, тор, тув, ув, чаг, чуж, тыыг, тыын.

П р и м е ч а н и ё: Кыавезё, кёдна кончайтчöны в-ён, ь да й колö гижны токо то кытшöм формаæзын: кыв—кывья—кывйён, лов—ловья—ловйён, тув—тувья—тувйён и с. одз.

**38.** И бёрын суффиксæз одзын гижны а, о, а не я, ё, шуам: би—бия, биасьны, чери—чериа, чериась, чериок, ки—киас, киок и с. одзл.

**39.** Гижны й-тöг кыввез: кёин, тоин, пöим, куим, байт, туис.

**40.** Ежели ордчöн суалёны кык небыт тыргортём буква, сæk небзьётёмсö мыччалёны токо мёдысліс, шуам: килля, аттестат, лыддыны, Абиссиния, кузница, уннявны, степь, стекло, писня и с. одз.

П р и м е ч а н и ё 1: л небзьётёмсö мёдік небыт тыргортёммез одзын колö непременно мыччавны, шуам: больница, кольть, кольччыны и с. одз.

**П р и м е ч а н и ё 2:** Парной тыргортёммезлісінебзъбтөмсө коло мычавны и вежан кыввиввез одзың, кёдна пондётчоны небыт тыргортёмсиянь, шуам: дадьсис, дадься, дадьсим, дадьсит и с. одз.

## **VII. КЫДЗ ГИЖНЫ ЗАИМСТВОВАННОЙ КЫВВЕЗ.**

**41.** Роч кылісъ заимствованной кыввезын, географической терминнәзын да асниммезын коло гижны **ф**, **х**, **ц**, **щ**, (а не п, к, ч, ш), шуам: фонарь, сарафан, фабрика, ферма, профсоюз, Франция, Анфиса, Фёдор, хозяин, сахар, пароход, колхоз, совхоз, стахановец, химия, Архангельск, Захар, центр, партиец, комсомолец, колхозница, ударница, Цейлон, щека, щётка, щука, щит, ямщик, площадь, вешество, общество, совещаннё и с. одз.

Но эна кыввез гижсьёны то кыдз: коть, макнит и с. одз.

**42.** Ежели заимствованной кыввезын непарной тыргортёммез бўрын конецас сулалё небыт знак, сәк эна кыввес гижсьёны роч орфография събрті,—небыт знакён жё, шуам: молодежь, степь, дробь, весть, тушь, сентябрь, октябрь, ноябрь, декабрь, январь, букварь, фонарь, слесарь, токарь, Сибирь и с. одз.

**П р и м е ч а н и ё 1:** Кыв шёрын р бўрын небыт знакыс сіз жё кольчо, шуам: Харьков, Горький, сентябрьской, октябрьской, декабрьской и с. одз.

**П р и м е ч а н и ё 2:** Ежели нимтан вежанын р бўрын эм небыт знак, сәк сія кольчо и мукод падежжезын ы да ё одзын, шуам: сентябрьын, фонарьён, бусварьын, Сибирьё и с. одз.

**43.** Кёр заимствованной кыввезын **б**, **в**, **г**, **м**, **п**, **ф**, **р** буквәэз бўрын сулалёны **я**, **ю**, **е** (ё), сәк коми-пермяцкой кылын гижсьёны тожё **я**, **ю**, **е**, **ё** и ё весътын точкаэз сувтотсьёны кётькёр. Бюро, обязательство, рюмка, ряд, знамя, пятилетка, Гюго, Вячеслав, Фёдор, Боря и с. одз.

**44.** Роч кылісъ заимствованной кыввезын **ж** да **ш** бўрын гижсьё и сідз жё, кыдз и роч кылын, шуам: мужик, машина, ворошиловец и с. одз.

**45.** Ежели роч кылісъ заимствованной кылын гижёма **о** буква, сәк и коми-пермяцкой кылын гижсьё **о**, шуам: совет, обед, пароход, паровоз, сапог, колхоз, совхоз, солдат, диво, полоз и с. одз.

Но эна кыввез гижсьёны то кыдз: ягёд, гось.

**46.** Шы **э**, кёда пантасълёт роч кылісъ заимствованной кыввезын, коми кылын гижсьё **э** буквавён жё, шуам: эвакуация, электричество, эпоха, экипаж, Энгельс, поэт и с. одз.

**47.** Ордчён сулалан кык ёткодъ буква коми кылын гижсьёны сідз жё, шуам: класс, касса, масса, Одесса, металл, аттестат, кристалл, грамматика, грамм и с. одз.

П р и м е ч а н и ё: Кёр кык ёткодъ тыргортём дынё солтисъё куимёт сэтшом жё тыргортём, сәк ёткодъ буквәэз гижсьёны кыка, а не куима, шуам: классиянь (а не класссянь), мегаллон (а не металлён) и с. одз.

**48.** Роч кылісъ заимствованной эманиммез, асниммез и быдниммез, кёджалён кывыйлыс **ий**, — **ия**, гижсьёны сідз жё, кыдз и роч кылын, шуам: спенарий, Везувий, Горький, Василий, революция, армия, Мария и с. одз.

**П р и м е ч а н и ё:** Сэтшом эчаниммезлён, кёдна роч кылын овлёны от друг и тёдчанниммезён, коми кылын лоё кывыйлыс—й, кыдз и тёдчанниммезлён, шуам: рабочой, служащей и с. одз.

**49.** Кыввез, кёднаын роч кылын гижьё коне-  
цас **стъ**, коми кылын гижьёны сізд жё, шуам:  
промышленность, область, ведомость, власть,  
часть и с. одз.

Но гижьё: гёсь (а не гость).

**50.** Энё кыввесё гижны то кыдз: метр, кило-  
метр, кубометр, сантиметр, миллиметр, дециметр,  
литр, грамм, килограмм (конецас а-тёг).

## VIII. КЫДЗ ГИЖНЫ СЛОЖНОЙ КЫВВЕЗ.

**51.** Сложной кыввез гижьёны отлавын то кёр:

1) Кёр отыс либо кыкнан составной частьыс  
общтисё самостоятельной значеннёсё нето ныны  
лоисё мёдкодь шыэз, шуам: синкым (бровь), чаль-  
под (на босу ногу), понпуш (веснушка), паськом  
(одежда) и с. одз.

2) Кёр сочиненнё способён аркмётём сложной  
кылыс сетё вежортёмсё (понятиесё) паськытжы-  
кё (ыджытжыкё) нія отлаалём часттезся, кёдна  
пирёны эта сложной кылё, шуам: ныром (лицо,  
буквально нос рот), аймам (родители, букв. отец  
мать), ойлун (сутки, букв. день, ночь), тымус  
(внутренности, букв. легкие, печень), кикок (ко-  
нечности).

3) Кёр кык кыліс лоё мёдік значеннёа кыв,  
шуам: пельпон (плечо), бипур (зола и угли от  
бывшего костра) мусин (почва), шырби (светля-

чок), урбёж (хвощ), туримоль (клюква), синва (слеза), бикыв (огнегиц), кепись (рукавица), юрси (волосы), порськок (репейник), съёдкай (скворец), бабапель (гриб), ойтёв (судорога), пышкай (коно-плянка), кёрымкай (овсянка), пуягёд (брюслица), озъягёд (земляника).

4) Кыввез, кёдна аркмётёны грамматической терминнээз, шуам: кывбёр (послелог), йитöt (союз), лыданим (числительное), эманим (имя существительное), тёдчанним (прилагательное), нимвежтас (местоимение), кывтор (частица) и с. одз.

5. Кыввез, кёдна мычталёны профессияэз либо социальной категорииэз, шуам: вёркераліс (лесоруб), няньпёжаліс (пекарь), сапогвурись (сапожник), мошвёдитіс (пчеловод), подавёдитіс (животновод), няньпёжалом (хлебопечение), мошвёдитом (пчеловодство), подавёдитом (животноводство), вёрзаптом (лесозаготовки), а сізд жё одзынмуніс (передовик) и с. одз.

П р и м е ч а н ё: Ежели эттшом кыввез дынын эм тёдмётаң кыв, сәк коло гијны нийо торыны, шуам: чочком ниянь иўжались (пекарь белого хлеба), бур сапог вурись (шующий хорошие сапоги), но знатной вёркерались (знатный лесоруб) и с. одз.

6) Пуэзлон да қустарникезлон названнёэз, шуам: ловпу (ольха), пипу (осина), нинпу (липа), жовпу (калина), ныывпу (пихта), льёмпу (черемуха), и с. одз.

7) Кыввез **үйт**, **выв**, **дор**, **одз**, **сай**, **шёр** гиж-  
сьёны эманиммезкöt отлавын нимтан да керётан  
вежаннэзын, шуам: биынуvt (подоконье), конувт,  
горбиодз, биыныvv (подоконник), вавыв (поверх-

ность воды), керкудор (место около дома), гунадор (место около гумна), горсай (запечье), ۋاساي (заречье), луншбр (полдень) и с. одз.

П р и м е ч а н и ё. Кыввез: вадор (берег), посада (сени), горбок (сторона печи), горбиодз (чело, отверстие в печь) быд вежанын гижеьёны ётлаын.

8) Ётлаын гижины то кытшом кыввез: кокшы (звук шагов, поступь), кокпыдös (ступня), кörттүй (железная дорога), кörттүв (гвоздь), юрпидös (затылок), кипод (рукоделие), рудзöгпöд (место сжатой ржи), вунданпод (живо), кисадь (способность руки), коксадь (способность ног), пельсадь (внимание) и с. одз.

**52.** Сложной кыввез гижеьёны дженыт кырёлён то кörп:

1) Вынёнжык висъталан значенёын повторяйтчан кыввез, шуам: рядён-рядён, рыт-рыт, чукёрён-чукёрён, ылын-ылын, матын-матын, лунлун и с. одз.

2) Синонимической парной кыввез, шуам: ветлёт-мунё, мунё-локтё, пырё-петё, сывны-модьны, лэдзчё-кайё и с. одз.

3) Сложной кыввез, кёдналён кыкнан частяс суффиксес **а—я**, шуам: мама-ныла, ая-зона, соя-вона, чаня-вёла и с. одз.

4) Сёрикосткыв значенёа парной кыввез, кёдца шыэз съорті öта-мёд дынё матынöсь, шуам: дзиль-дзоль, туп-тап, рез-паз, нюв-няв, сюр-сяр, чукыль-мукуль и с. одз.

5) Кыввез, кёдна мыччалёны неопределенной количество, шуам: күпм-нётт, вит-кватт, морт-мёд, вёв-мёд, лун-мёд и с. одз,

**53.** Гижны торйён сэтшом сочетаннёэз, кёдна озё аркмётö единой' вежортёмсö (понятиесö), кёда бы вёлі не откодь энö сочетаннёэсö аркмётан часттез значенё съёртi:

1) Тёдчанимлён эманимкöt сочетаннё, шуам: виль керку, паськыт ыб, съёд ной, гёрд чышьян,

2) Эманимлён эманимкöt жё сочетаннё, кёрötтыс (первойыс) лоё тёдмётан кылён, шуам: пыж ныр (нос лодки), пызан кок (ножка стола), мёс сюр (рог коровы), пон бёж (хвост собаки), няньзыр (хлебная лопата), вёр утка (дикая лесная утка), бания гор (печь в бане), бадь лист (лист ивы), керку крыша (крыша избы) и с. одз.

## **IX. ЭМАНИМ (ИМЯ СУЩЕСТВИТЕЛЬНОЕ).**

**54.** Тёдмётантöм вежалалöм.

### **Субъектно-объектный вежанназ.**

1. **Нимтан** (именительный). Кин? Мый? Вежан кывыйлысабу, шуам: ки, вёр, дадь, туй, вон.

2. **Асалан** (родительный). Кинлён? Мыйлён? Вежан кывыйлыс—**лён**: килён, вёрлён, дадьлён, туйлён, вонлён.

3. **Босътан** (притяжателный). Кинліс? Мыйліс? Вежан кывыйлыс—**ліс**: киліс, вёрліс, дадьліс, туйліс, вонліс.

4. **Сетан** (дательный). Кинлö? Мыйлö? Вежан кывыйлыс—**лö**: килö, вёрлö, дадьлö, туйлö, вонлö.

5. **Керётан** (винительный). Кинöс? Мый? Вежан кывыйлыс—**öс**, токо эманиммезлён, кёдна мыччайёны ловья предметтээс: ки, вёр, дадь, туй, вонёс.

6. **Көрән** (творительный). Кинён? Мыйён? Вежан кывыйлыс—**ён**: киён, вёрён, дадьён, туйён, вонён.

7. **Отлаётан** (соединительный). Кинкöt? Мыйкöt? Вежан кывыйлыс—**кöt**: сойкöt, шыркöt, вонкöt.

8. **Эмтöмтан** (лишительный). Кинтöг? Мыйтöг? Вежан кывыйлыс—**тöг**: китöг, вörтöг, дадьтöг, туйтöг, вонтöг.

9. **Ордчалан** (сравнительный). Кинся? Мыйся? Вежан кывыйлыс—**ся**: кися, вёрся, дадься, туйся, вонся.

10. **Локтан** (достигательный). Кинла? Мыйла? Вежан кывыйлыс — **ла**: вила, вёрла, дадьла.

#### **Внутриместной вежаннээз.**

11. **Инса** (местный). Кинын? Мыйын? Кытён? Вежан кывыйлыс—**ын**: киын, вёрын, дадын, туйын, вонын.

12. **Петан** (исходный). Кинись? Мыйись? Кытись? Вежан кывыйлыс—**ись, ись**: киись, вёрись, дадись, туйись, вонись.

13. **Пыран** (вступительный). Кинё? Мыйё? Кытчё? Вежан кывыйлыс—**ё**: киё, вёрё, туйё, мүё.

#### **Внешнеместной вежаннээз.**

14. **Сибётан** (приближительный). Кинлань? Мыйлань? Вежан кывыйлыс—**лань**: килань, вёрлань, дадьлань, туйлань, вонлань.

15. **Ылынтан** (отдалительный). Кинсянь? Мыйсянь? Кысянь? Вежан кывыйлыс—**сянь**: кисянь, вёрсянь, дадьсянь, туйсянь, вонсянь.

16. **Вуджан** (переходный). Кинёт? Мыйёт? (кытi). Вежан кывыйлыс—**öt**: киёт, вёрёт, дадьёт, туйёт, вонёт.

**17. Тöдмötан** (предельный). Кинöдз? Мыйöдз? Мыйви? (кытчöдз). Вежан кывылыс—**öда**, **ви**: киöдз, вöрдз, дадьöдз, туйöдз, вонöдз, пидзöсви.

**55.** Уналыда әманиммезлön сүффикссæз **өз** да **93.** Ния сувтötтöсöны основа бöрын асалан сүффикссæз да вежан кывывшев одзын.

**56.** Сүффикс **өз** гижсöю то кöр:

1) Кыввезын, кöдналён конецас тыргора шы: киэз, керкуэз, пимиэз, чериэз, туриэз, фабрикаэз, семьяэз, собраннёэз, революцияэз.

2) Эманиммезын, кöдналён конецас чорыт парнöй тыргортöм шы и эта шыны шусьö кыкпöв (кыкпöвсасьö): поннэз, воннэз, городдэз, саддэз, докладдэз, вопроссæз, мёссæз, курссæз, геззæз, колхоззæз, мортæз, ёрттæз, ответтæз, журналлæз, прогуллæз.

**57.** Сүффикс **өз** гижсöю то кöр:

1) Эманиммезын, кöдналён конецас тыргортöм шы и эта шыны шусьö кыкпöв (кыкпöвсасьö): воннез, доддез, беддез, воттез, полаттез, вöввез, шыррез, ошшез, номмез, коккез, потшшез, видззез, джоджжез и с. одз.

2) Эманиммезын, кöдналён конецас **й**: туйез, кайез, крайез, сценарийез, санаторийез и с. одз.

**58.** Тöдмötана—асалан вежлалöм.

Тöдмötантöм вежлалöмся, әманиммезлön әм эшö тöдмötана—асалан вежлалöм, кöда мыччалö, што предметыс тöдса ни, сы йылсай висьталöмни либо эта предметыс кытшöм либо лицолён.

1) Асалан сүффикссæз, кöдна мыччалöны, што предметыс кытшöм либо отíк лицолён: 1 лицо—**ö**, 2 л.—**ыт**, 3 л.—**ыс**, шуам: киö, кокö, сойö,

вонё, пызанё; киыт, кокыт, сойыт, воныт, пызаныт; киыс, кокыс, сойыс, воныс, пызаныс.

2) Мёдік да куимёт лицоын асалан суффиксәз уналыда суффикскötöt отлаасьом дырни вермёны сетны джендётөм (стяжонной) формаәз, шуам: воннэзыт—воннэт, сойезыт—сойет, воннэзыс—воннэс, сойезыс—сойес.

3) Асалан суффиксәз, көдна мыччалёны, што предметыс не отік лицолён (уна лицолён): 1 лицо—**ным**, 2 л.—**ныт**, 3 л.—**ныс**: вонным, сойным, дядьным, айным; вонныт, сойныт, дядьныт, айныт; вонныс, сойныс, дядьныс, айныс.

**59.** Асалан суффиксәз нимтан, асалан, босьтан, сетан, отлаётан, эмтёмтан, ордчалан, локтан, сибётан да ылнтан вежанинэзын сулалёны сразу әманим основа борын вежан кывыйв одзын. Уналыда әманиммезын уналыда суффикс да вежан кывыйв коласын, шуам: киыслён, киэзыслён, киысліс, киэзысліс, киыслö, киэзыслö, киыслань, киэзыслань и с. одз.

**60.** Мукёд вежанинэзын асалан суффиксәз сулалёны вежан кывыйввез борын и кызд овлö әта дырни мукёд шыэз усьёны и лоёны джендётөм (стяжонной) формаәз либо мёдік асалан суффиксәз.

**Керттан** — 1 л.—вонёс, 2 л.—вонтö, 3 л.—вонсö. Кёр уна (не отік) лицөзлён: 1 л. воннымсö, 2 л.— воннитö, 3 л.—воннысö.

**Керан** — 1 л.—кинам, 2 л.—кинат, 3 л.—кинас; кёр уна лицөзлён: 1 л.—кинаным, 2 л.—кинанит, 3 л.—кинаныс. \*

**Инса** — 1 л.—киам, 2 л.—киат, 3 л.—киас; көр уна лицоэзлён: 1 л.—кианым, 2 л.—кианыт, 3 л.—кианыс.

**Петан** — 1 л.—кисим, 2 л.—кисит, 3 л.—кисис; көр уна лицоэзлён: 1 л.—кисиням, 2 л.—кисиыт, 3 л.—кисиыс.

**Пыран** — 1 л.—киам, 2 л.—киат, 3 л.—киас; көр уна лицоэзлён: 1 л.—кианым, 2 л.—кианыт, 3 л.—кианыс.

**Вуджан** — 1 л.—киёттим, 2 л.—киёттит, 3 л.—киёттис; көр уна лицоэзлён: 1 л.—киёттиным, 2 л.—киёттиыт, 3 л.—киёттиыс.

**Тёдмётан** — 1 л.—киёдззим, 2 л.—киёдззит, 3 л.—киёдззис; көр уна лицоэзлён: 1 л.—киёдззиням, 2 л.—киёдззиныт, 3 л.—киёдззиныс.

Көр тёдмётан вежанын кывыйлыс **ви**, сәк овлёны обычной асалан суффикссәз, кёдна сулалёны вежан кывыйыв одзын: пидзёсытви, пидзёсыси и с. одз.

**61.** Джендётём кыввезын (кыввез бердын) вежан кывыйыввез гижсьёны дженент кырёлён: СССР-ын, ЦК-ись и с. одз.

**62.** Эманиммезлён кываркмётан суффикссәз.

1) **Ас** — вердас, быдмас, петас, шебрас, висьтас, вежортас и с. одз.

2) **От** — гижёт, йортöt, юкöt, көртöt и с. одз.

3) **Ись** — вурись, гёрись, велётчись, узись, гижись и с. одз.

При мечан и ё: чорыт парнёйез бўрын суффиксе—ись: уджались, велётись и с. одз.

4) **Ом** — велётчом, велётём, вуром, юкём, аскодялём и с. одз.

5) **Ан** — юан, вартан, вежан и с. одз.

П р и м е ч а н и е: кыввезын, кёдналён конецас сула-  
лёт й, гижсьё суффикс ян: сёян, кыян и с. одз.

6) **Тор** — йёвтор, яйтор, няньтор и с. одз.

7) **Ин** — кербсаин, пожумайн и с. одз.

П р и м е ч а н и ё: кыввезын, кёдналён конецас су-  
лалёт чорыт парной тыргортём, гижсьё суффикс ин:  
оланін, петанін, узянін и с. одз.

8) **Өс** — пуртөс, пытшкёс, шедтөс.

9) **Ка** — зонка, инька, нывка, айка, ичмонька.

10) **А, я** — кузя, вылына, пасьта, ыжда, кыза.

11) **Ок** — мёсок, вёлок, керкуок, кагаок, кни-  
гаок и с. одз.

П р и м е ч а н и ё: эманиммезын, кёдналён конецас  
сулаёт либо й, суффиксыс лоас ёк; каёк, туёк, че-  
лядёк, порсёк, визёк, панёк, полёк и с. одз.

12) **Жуг** — умёльтан суффикс: мёсжуг, пон-  
жуг, керкужуг и с. одз.

13) **Иньой** — вёриньой, козаиньой, ыбиньой.

П р и м е ч а н и ё: кыввезын, кёдналён конецас су-  
лалёт чорыт парной тыргортём, колё гижны иньой:  
вёліньой, мёсіньой, ёртіньой и с. одз.

14) **У—ю**—вону, бабу, деду, Маню, сою и с. одз.

15) Заемствованной суффиксээз: ист, ец, ник,  
ств и с. одз., шуам: коммунист, комсомолец,  
ударник, богатство и с. одз.

## X. ТЁДЧАННИМ (ИМЯ ПРИЛАГАТЕЛЬНОЕ).

**62.** Эманиммез одзын сулалан тёдчанниммез  
одз вежласьё, шуам: гёрд мёс, гёрд мёслён,  
гёрд мёссээтёг и с. одз.

**63.** Эманиммез түйө суалан төдчаниммез вежласьёны, кыдз эманиммез: гёрдыслён, гёрдыстөг, гёрдыссея, гёрдээлён, гёрдö, гёрдыт, гёрдыс и с. одз.

**64.** Ас нимвежтасісь да **коддя, ныра, сяма** кыввездісь аркмётөм төдчаниммез гижсьёны ётлаын: аскоддя, асыра, ассяма.

**65.** Төдчаниммезлён кываркмётан суффиксәз.

1) **Өв** — быд буква бёрын гижсьёб ётмоз, оз ков гижны кытён **л**, а кытён **в**:

лöz — лözöв — лözöвöсъ

гöрд — гöрдöв — гöрдöвöсъ

съöд — съöдöв — съöдöвöсъ

2) **Жык** — сідз жё быд буква бёрын гижсьёб ётмоз: кузь — кузъжык, бур — буржык, кыз — кызжык.

3) **Ыник** -- лапыник, гажыник, кёсыник и с. одз.

4) **Ик** — лажмытик, векнитик, кокнитик и с. одз.

5) **Ыт** — курыт, дженыт, кёдзыт и с. одз.

Но кыввезді: вösнит, поснит, кокнит, векнит, — гижны **ит-ён**.

6) **А, я** — гажа, ловья, мырья, изъя, увья.

7) **Том** — пурттём, сапогтём, китём, коктём.

8) **Ся** — гожумсая, тулыссея, тёвсая, арся и с. одз.

9) **Овой** — шуовой, пёловой, кыдзовой.

10) **Өсь** — наньöсъ, нятöсъ и с. одз.

**66.** Роч қылісі заимствованной кыввездын төдчаниммезлён кывыйлыс лоас **ый**: советской, культурной, Красной армия, чугунной, стальной.

**67.** Суффиксәз: вывся, гёгёрсая, костся, увтсая, дорсая, боксая, бердсая, пышикся, сайсая — кыввездёт гижсьёны ётлаын: туйвывся, годгёгёрсая,

сыкостся, кёркостся, ваувтся, туйдорся, туйбоксся, вёрбердся, вапытшкся, инъасайся и с. одз.

**68.** Суффикссәз: вевья, пёвса, сора (кықыс медбörьяэс овлёны токо лыданим основаэзкötöt ётлаасьём дырни) гижсьёны ётлаын: гёрдевевья, съёдевевья, чочкомвеvвья, ётпёвса, кыкпёвса, нёль-пёвса кыксора, куимсора, нёль сора и с. одз.

**69.** Кыввез: кыза, кузя, сувда, ыжда, пасьта гижсьёны кыввездкötöt торийн. Чунь кузя карандаш. Керку сувда пу. Ведра кыза труба. Юр ыжда калиг и с. одз.

**70.** Суффикс **кодь** тёдчанниммезкötöt гижсьё ётлаын, а мукöд ниммезкötöt торийн: съёдкодь, гёрдкодь, вежкодь зелёнойкодь, (но мёс кодь, кань кодь, тә кодь и с. одз.).

## XI. НИМВЕЖТАС (МЕСТОИМЕНИЕ).

**71.** Личной нимвежтассәз вежласьёны то кызд:

1) **Нимтан**—ётка лыд: ме, тә, сія; уна лыд: мийö, тійö, нія.

2) **Асалан**—ётка лыд: менам, тәнат, сылён; уна лыд: миян, тіян, нылон.

3) **Босътан**—ётка лыд: менчим, тәнчит, сыліс; уна лыд: миянліс, тіянліс, ныліс.

4) **Сетан**—ётка лыд: меным, тәнты, сылö; уна лыд: миянлö, тіянлö, нылö.

5) **Кердтан** — ётка лыд: менö, тәнö, сійö; уна лыд: миянöс, тіянöс, нійö.

6) **Керан** — ётка лыд: меён, тәён, сыён; уна лыд: миянён, тіянён, ныён.

7) **Эмтöмтан**—ётка лыд: метöг, тэтöг, сытöг; уна лыд: миянтöг, тіянтöг, нытöг.

8) **Отлаётан**—ётка лыд: мекёт, тэкёт, сыкёт; уна лыд: миянкёт, тіянкёт, ныкёт.

9) **Ордчалан**—ётка лыд: месся, тасся, сысся; уна лыд: миянся, тіянся, нысся.

10) **Локтан**—ётка лыд: мела, тэла, сыла; уна лыд: миянла, тіянла, ныла.

11) **Петан**—ётка лыд: меись, тэись, сыись; уна лыд: миянись, тіянись, ныись.

12) **Пыран**—ётка лыд: меё, тэё, сыё; уна лыд: миянё, тіянё, няё.

13) **Сибётан**—ётка лыд: мелань, тэлань, сылань; уна лыд: миянлань, тіянлань, нылань.

14) **Ылынтан**—ётка лыд: месянь, тэсянь, сысянь; уна лыд: миянсянь, тіянсянь, нысянь.

15) **Тёдмётан**—ётка лыд: мебдз, меви, тэёдз, тэви, сыйдз, сыви; уна лыд: миянёдз, миянви, тіянёдз, тіянви, ныёдз, ныви.

**72.** Лично—тёдмётан нимвежтас **ачым** вежласъё то кызд:

О т к а л ы д.

1-ой лицо	2-ик лицо	3-от лицо
Н. ачым	ачыт	ачыс
А. аслам	аслат	аслас
Б. ассим	ассит	ассис
С. аслым	аслыт	аслыс
К. ачымёс	астьё	асьёс
К. ачымён	аснат	аснас
Ӧ. аскёттим	аскёттит	аскёттис
Э. астёгйим	астёгйит	астёгйис
О. ассялам	ассят	ассяас
Ы. ассяням	ассянят	ассяняс
С. асланям	асланят	асланяс

У на лы д.

Н.	асьным	асьныт	асьныс
А.	асланым	асланыт	асланыс
Б.	ассиным	ассиныт	ассиныс
С.	аслыным	аслыныт	аслыныс
К.	асьнымöс	асьнытö	асьнысö
К.	асьнымöн	аснаныт	аснаныс
Ö.	асьнымкöt	асьныткöt	асьныскöt
Э.	аснымтöг	асьныттöг	асьныстöг
Л.	асьнымла,	асьнытла	асьнысла
Ы.	асьнымсянь	асьнытсянь	асьныссянь
С.	асланяным	асланяныт	асланяныс
Т.	асьнымöдз	асьнытöдз	асьнысöдз

**73.** Иньдётан нимвежтассээ: **этia, сiя, nя,** косвенной вежаннэзын вежласьбыны кыдз личной нимвежтассээ **сiя, nя, а эта, эна, эта** нимвежтассэзын вежан кывыйлыс сувтöтсьё нимвежтас бердö, шуам: этналö, этасянь, этнакöt.

П р и м е ч а н и ё: Керётан вежанын лоас—этö, энö.

**74.** Юасян нимвежтас „кытшöм“ да тöдмётан нимвежтассээ гижсьбыны то кыдз: кытшöм, сэтишöм, этатшöм.

**75.** Нимвежтассээлён основаээ **сы, ны** гижсьбыны кыввезкöt торийн, шуам: сы одзын, сы моз, ны коласын, ны книгайн и с. одз.

**76.** Суськисян нимвежтассээ **не** кывторкöt ижсьбыны ётлаын: некин, некытшöм.

**77.** Тöдтöмтан нимвежтассээ **кö** кывторкöt гижсьбыны ётлаын: кинкö, кытшöмкö, кынымкö, кынымötкö, кöдакö.

## XII. ЛЫДАНИМ (ИМЯ ЧИСЛИТЕЛЬНОЕ).

**78.** 1) Лыданиммез кыкdasбдз, а сідз жо десятоккез, сотняэ гижьёны отлаын, шуам: даснель, дассизим, даскыкъямыс, кыкdas, нельдас, сизимдас, ёкмысадас, сто, кыксто, нельсто, сизимсто. Мукод лыданиммез гижьёны торйён, шуам: кыкdas кватъ, сто нельдас вит. Тысяча кватъсто ёкмысадас вит.

2) Сэтшом лыданиммез, кёдна сулалёны сёрникузяас әманимтёг, вермёны вежласъны вежаннээ съорті сідз жо, кыдз и әманиммез, шуам: асалан вежан—нельлён—нельлён, нельытлён—нельыслён.

П р и м е ч а н и ё: Кёр лыданиммыс сулалё орлён әманимкёт, сәк сія оз вежлась, а вежлалё ассис кыйывсб токо әманиммыс, шуам: нимган вежан—кватъ книга; асалан—кватъ книгалён; тёдмётан—кватъ книгабдз.

**79.** Лыданиммезлён суффикссээз.

1) **От**—порядковой лыданимлён суффикс и гижьё отлаын, шуам: нельёт, витёт, сто кыкdas кватъёт.

2) **А—я**—чукортан лыданимлён суффикс: неля, вита, кыка.

3) **ОН**—чукортан лыданимлён суффикс: нельён, витён, кватъён.

Асалан суффикссээз: **нам**, **нат**, **нас**: витнам, ёкмыснам; витнат, ёкмыснат; витнас, ёкмыснас.

4) Чукортан лыданимлён суффикс 1 л.—**наным**, 2 л.—**наныт**, 3 л.—**нанныс**: кыкнанным, куимнаныт, нельнаныс.

### XIII. ГЛАГОЛ.

**80.** Ёння кадісь да воан кадісь глаголләзлён кыйыввез то кытшомбось: ётка лыдын 1-й лицолён: **а**, **я**—муна, коля, вая; уна лыдын — **ам**, **ям**: мунам, колям, ваям; ётка лыдын — 2-ик лицолён: **ан**, **ян** — мунаң, колян, ваян; уна лыдын — **ат**, **ят** — мунат, колят, ваят; ётка лыдын 3-öt лицолён — **ө**—мунё, кольё, вайё; уна лыдын — **оны**—мунёны, кольёны, вайёны; воан кадісь ётка лыдын 3-öt лицолён — **ас**, **яс**—мунас, коляс, ваяс; уна лыдын — **асö**, **ясö**—мунасö, колясö, ваясö.

П р и м е ч а н и е: Сэтшом глаголләзын, кытён основа конецас сулалё **й**, **я** кыйыв одзын эта **й**-ыс оз гијсы, шуам: вая, кыя, кая (а не вайя, кыйя, кайя, лыйя либо вайя, кыйя, кайя и с. одз.)

**81.** Син одзын чулалём кадісь глаголләзлён кыйыввез то кытшомбось: ётка лыдын 1-й лицолён — **и**, **i**, — коли, муні, вайи; уна лыдын: **им**, **iм**, — колим, мунім, вайим; ётка лыдын 2-ик лицолён: **ин**, **iн** — колин, мунін, вайнин; уна лыдын: **ит**, **iт** — колит, муніт, вайит; ётка лыдын 3-öt лицолён: **ис**, **iс** — колис, муніс, вайис; уна лыдын: **исö**, **iсö** — колисö, мунісö, вайисö.

**82.** Син сайын чулалём кадісь глаголләзлён кыйыввез то кытшомбось: ётка лыдын 2-ик лицолён: **öмыт** — кольёмыт, мунёмыт, вайёмыт; уна лыдын — **öмныт** — кольёмныт, мунёмныт, вайёмныт; ётка лыдын 3-öt лицолён: **öма** — кольёма, мунёма, вайёма; уна лыдын: **öмась** — кольёмась, мунёмась, вайёмась.

**83.** Тшёктан формаа глаголләзлён ётка лыдын кыйылыс лоб **ы**, а не **и**: пуксы, чеччи, вурсы, песссы и с. одз.

**П р и м е ч а н и ё:** Но тшёктан формаа глагол-лэз овлёны и кывыйвтёг, шуам: гиж, кый, вай, мун.  
Тшёктан формалён кывыйлыс уна лыдын лоб—**ö**—мунö, пырö, вайö и с. одз.

**84.** Учотсыётан суффикс — **ышт**, пыр гижьё вежласьтёг: велётышт, мунышт, локтышт и с. одз.

**85.** Тёдмётантём формаа глаголлён суффикс, кёда мычталö, што действиес кончайтчö ни, лоб—**сь**, (а не ч), шуам: петсьё, мунсьё, уджавсьё, велётсьё и с. одз.

**86.** Невуджан глаголлён суффиксыс **д** да **т** бёрын **дз—ч**, а мёдік буквазз бёрын **сь**, шуам: купайтчö, велётчö, нубоччö, ладзчö, но: миссё, кыссё, вежсё, вурсё и с. одз.

**87.** Бертан глаголлён суффиксыс—**ись**: мыччины, кутчины, шоччины и с. одз.

**88.** Унаись керём мыччалан суффикс — **лывл**: гижсывліс, сывлывлам, ветлывліс и с. одз.

**89.** Глаголләзын: шуны, пуны, нуны, основа конецас **л** оз гижсы быд производной формалын, —шуам: шуа, пуа, ну, шуис, пуй, пу, пубом, шубоны, пубоны, нубоны и с. одз.

**90.** **Во** основаа глагол (вёвны) гижьё воан кадын, шуам; **Ме** воа собраннё вылын. Та воан собраннё вылын. Нія воасё собраннё вылын.

Глагол **лоны** гижьё воан и чулалём каддэзын, шуам: ме лоа инженерён. Сія лоас велётісьён. Ме лои гижисьён. Нія лоисё колхозниккезён.

**91.** Тёдмётантём формаа глаголлён кывыйввез **ны** либо **ыны**—мунны, пыравны, ветлыны и с. одз.

**92.** Глаголісъ аркмём ниммезлён суффиксаз то кытишомёсъ: **ись (ись)**, **бм**, **тбм**, **ан (ин)**—уджа-

лісъ морт, велётём морт, кертом удж, юан ва,  
вурсян ем и с. одз.

**93. Кодь и моз** гиjsъёны глаголләзкöt öтла-  
ын, шуам: муныштісмоз, вörзьётчыштісмоз, се-  
рёмтчыштіскодь и с. одз.

Суськисян глаголләз: **ог, ос, он.**

#### XIV. НАРЕЧИЕ

**94.** А суффикса тöдчаниммезісь аркмём на-  
речиеэзын гиjsъё аа, шуам: гажа—гажаа, ми-  
ча—мича.

**95.** Эманиммезісь аркмём наречиеэзын кыввез:  
**быт, тыр, йыв, кузь** гиjsъёны öтлаын, шуам: ой-  
быт, тöвбыт, китыр, лунтыр, кокйыв, кузьой,  
кузьлун и с. одз.

**96.** Тöдчаниммезісь аркмём наречиеэзын кыв-  
вез: **куяз, шогён, пырысъ, увъя**—гиjsъёны öтла-  
ын, шуам: буркуяз, лёкшогён, лёккуяз, кокнит-  
пырысъ, полёмпырысъ, смеvпырысъ, повзёмувъя  
горзёмувъя и с. одз.

**97.** Лыданиммезісь аркмём наречиеэзын кыв-  
вез: **пёв, пыръя**—гиjsъёны öтлаын, шуам: кык-  
пёв, нёльпёв, куимпыръя, витпыръя и сіз одз.

**98. Кодь** гиjsъё наречиекöt öтлаын, шуам:  
ылынкодь, матынкодь.

**99. От** основакöt наречие гиjsъё öтла-  
ын, шуам: öтпырысъ, öтылісъ, öтмоз, öтнёж,  
öткоста, öтчожа, öтсюма и с. одз.

**100.** Глаголісь аркмём наречиеэзлён суффикс-  
саз то кытшомбось: **ик (ик), төдз, төг, мөн,** шу-  
ам: пырик, мунік, мыдзтöдз, сёйтöг, сувтöмбн.

**101.** Глаголісь аркмом сәтцом нареchieэзлён, кыдз **мунік**, формасы безличной, шуам: мунікё, локтікё, гижики, сёйикё и с. одз.

Отка лыдын 1-й лицолён личной формас: **мунікам, гижикам**; уна лыдын: **муніканым, гижи-каным**; отка лыдын 2-ик лицолён: **мунікат, гижи-кат**; уна лыдын: **муніканыт, гижиканыт**; отка лыдын 3-от лицолён: **мунікас, гижикас**; уна лыдын: **муніканыс, гижиканыс**.

**102.** Глаголісь аркмом нареchieэзлён личной формас **төдз**-ён то кытшомбось:

1-й лицолён—мунтöдззим, муントдзным  
2-ик лицолён—мунтöдззит, муントдзныт  
3-от лицолён—мунтöдззис, муントдзныс.

**103.** Кыввез **моз, коста, дырни** глаголісь аркмом нареchieэзкöt гижсьёны отлавын, шуам: мунікмоз, гижикикоста, гёриккоста, велётчикдырни и с. одз.

## XV. КЫВБОРРЕЗ (ПОСЛЕЛОГИ).

**104.** Эманиммезкöt, тöдчаниммезкöt, лыданниммезкöt да пимвектассэзкöt кывбэрrez кётькёр гижсьёны торын, шуам: керку дорын, ёшын увтын, пызан вылын, пу дынып, ва сайын, син одзын, мунём бёрын, ме дорын, сы сайын, тэ дынын, ны ордö, кык дорö, кык дынö, куимсто саяс, витдас гёгёр, нёль туйö, из съёкыта, ас кодь, ва нылыт, тёв паныт, ва пыр, стена пыр и с. одз.

## XVI. КЫВТОРРЕЗ (ЧАСТИЦЫ).

**105.** Кывтор **кө** йитан нимвежтассәзкöt да наречиеәзкöt гиjsьö öтлаын и сетö нылö тöдтöмтan значеннö, шуам: мыйкö, кинкö, кытшöм, кытчöкö, кыткö, кынымкö, кöркö и с. одз.

При мечанин ё: Вводной кыввездкöt эта кывторыс гиjsьö сидж жö öтлаын, шуам: сидзкö, кыдзкö, вöлёмкö.

**106.** Условной значеннöын кывтор **кө** гиjsьö торыйн, шуам: мунан кö, локтан кö, гижан кö, лыддьётим кö, вуран кö и с. одз.

**107.** Кывторрэз: **пö, тай, ни, ли, эд, инö, да, и, я, жö, а, вöлисъ, бы**—гиjsьöны торийн, шуам: тэ пö локтинни, локтан жö, гижин эд ни и с. одз.

**108.** Эманиммезкöt, лыданиммезкöt да глаголләзкöt кывтор **не** кöтькör гиjsьö торыйн, шуам: не пызан, а джек, не кык, а куим, не петöмыт, а пырöмыт и с. одз.

**109.** Суськисян нимвежтассәзкöt да суськисян наречиеәзкöt кывтор **не** гиjsьö öтлаын, шуам: некин, некытöн, некöр, некытчö, некытисъ, некытшöм, некöда и с. одз.

**110.** Кывтор **не** тöдчаниммезкöt да наречиеәзкöt гиjsьö öтлаын сæk, кör ния эта кывторкöt аркмötöны öтik вежörtöм (понятие) и этö виль кывсö позьö вежнысы кодь жö значеннöа мöдик кылён, шуам: нылöн неыджыт (учитик) керкуоқ. Неылын (матын) гымалыштис.

При мечанин ё: Ежели эта вежörtöмлö (понятиелö) сувтöтсö ваныта вежörtöм (понятие), сæk кывтор **не** гиjsьö тöдчаниммекöt либо наречиекöt торыйн, шуам: нылöн неыджыт, а учитик керкуоқ. Матын, а не ылын гымалыштис.

**111.** Кывтор **мәд** төдчаниннмезкöt да наречи-  
скöt гиjsсöй öтлаын сæk, кör сія мыччалö степ-  
ень, шуам: медыджыт, мебур, медъёна, медбу-  
ра, медылын и с. одз.

П р и м е ч а н и ё : Оз ков соравны **мәд** кывтор-  
со **мәд** целевой союзкöt, кöда гиjsсöй торыйн, шуам:  
мед бура уджавны, колö тöдны уджсö.

## XVII. ЙИТÖTTЭЗ (СОЮЗЫ).

**112.** Йитötтэз **да, а, и, но, мый, мед, мedбы**—  
пыр гиjsсöны торыйн, шуам: ыджыт да бур, ми  
бура уджалим, а нія эшö ёнжыка и с. одз.

---

Редактор *Н. Попов*  
Техред *С. Грибанов*      Корректор *М. Пономарев*

---

Окрлит № 1676. Заказ № 1458. Тираж 4000. Сдано в произ-  
водство 25/X-38 г. Подписано к печати 11/XII-38 г.

Формат бумаги 60×92<sup>1</sup>/<sub>32</sub>. Печатных листов 1<sup>1</sup>/8.  
Авторских листов 1,15. В 1 печат. листе 45056 типогр. знака.

---

г. Кудымкар. Типография Коми-пермяцкого Окргосиздата

## **ПЫТШКОС**

Приказ . . . . .	2
I. Букваэз да нийö гижём . . . . .	3
II. Заглавиöй буква . . . . .	6
III. Кыввез вуджётём . . . . .	8
IV. Междиалектальёй чередованнёэз . . . . .	10
V. Шыэз аскодялём . . . . .	11
VI. Шыэз йылісъ муьёд правилоэз . . . . .	13
VII. Кыдз гижны гаимствованнёй, кыввез . . . . .	14
VIII. Кыдз гижны сложной кыввез . . . . .	16
IX. Эмангм (имя существительное) . . . . .	19
X. Тöдчаним (имя прилагательное) . . . . .	24
XI. Нимвежтас (местоимение) . . . . .	26
XII. Лыданим (имя числительное) . . . . .	29
XIII. Глагол . . . . .	30
XIV. Наречие . . . . .	32
XV. Кывбörрэз (послелоги) . . . . .	33
XVI. Кывторрэз (частицы) . . . . .	34
XVII. Йитötгэз (союзы) . . . . .	35

---